

21/3/2024

# TÀVULA SICILIANA

**29 DI FRIVARU  
17:00-18:30**

**VOI PARRARI U SICILIANU?  
NCUNTRÀMUNI P'ESIRCITARI A  
LINGUA SICILIANA NZÈMMULA.  
NUN TI SCANTARI SI PARRI PICCA -  
TUTTI SU' BIMMINUTI!**

**NNI CICCIU  
VIA BUTTITTA 23  
SCARPIPERSI, CT**



Comu urganizzari na tàvula siciliana

1. Ntruduzioni
2. Comu mmitari cristiani
3. Fari na lucannina
4. Scartari un lucali
5. Scartari na lista di palori nadari (novi, pi na festa ecc)
6. Scartari un testu di lèggiri
7. Scartari 1-2 arugumenti di discùrriri
8. Comu ràpiri e chiùjiri u macadaru

## Ntruduzioni

Chista è na guida pi chiḍḍi ca vonnu armari na ncuccia di pirsuna p'usari ed esircitari u sicilianu. Fici sta guida pâ Simana dû Sicilianu, ma speru ca i cristiani ponnu pigghiari spirazzioni e urganizzanu ncontri tuttu l'annu, e ca u sicilianu bonu crisci 'n Sicilia e tuttu u munnu. Dicu u sicilianu bonu nnô senzû di parrari tuttu 'n sicilianu sanu, e nun sulu quarchi frasi comu na babbijata. E macari nnô senzû di dari prifirrenza a palori siciliani mmeci di sicilianizzari palori taliani. Ma nun facemu i suprimisti - vulemu sulu criari spazzi pi fari ciùriri u sicilianu, comu cci su' già spazzi pû talianu, pû ngrisi, pû gallisi, ecc.

Picchì urganizzari ncontri? A lingua campa nnâ vuca dî cristiani. Na lingua scritta sulu nnâ riti o 'n libbra è na lingua morta. E quannu ni ncuntramu di prisuna, putemu fari lijami, e accussi custrujemu i nostri riti di pirsuna, e riti sunnu na forza. Cu sta forza, u sicilianu addiventa forti. Na lingua forti po pigghiari u so postu â tàvula.

U nostru ubbittivu è di criari un locu unni si parra sicilianu. Si a chiamu na "tàvula siciliana" è picchì si ncuntra, a tàvula o no, câ scaciuni pricisa di parrari ed esircitari u sicilianu. Cu l'amici, certu, ma puru cu cristiani fora dî nostri riti pirsunali. Allora âm'a cògghiri cchiù cristiani pi fari un ncontru. E comu si fa?

## Mmitari Cristiani

Quannu fai na tàvula siciliana, voi aviri na beḡḡa mista di cristiani - diversi età, gènniri, travagghi, ecc. Cchiù assai di venti cristiani po èssiri troppu, siḍḍu si accussì furtunatu, capaci ca avissi a spàrtiri i gruppi 'n dui.

1. Online.
  - a. Si po scrìviri ncapu a reddit o Facebook ca cerchi siculòfuni nni XX cità ca vonnu ncuntràrisi p'un cafè e na chiacchiarjata. Pàggini dû to pajisi, comu a pàggina dû cumuni o na pàggini di memes lucali sunnu boni. Avemu macari na mmàggini sutta ca putiti usari
2. Bacheca
  - a. Si po stampari luncannini e mittilli nna na bacheca nnô to pajisi. Capaci ca cci sunnu agghiri a chiazza cintrali.
3. Autri gruppi
  - a. Si po usari autri gruppi unni si mèmmiru, comu â chiesa, â scola o ô travagghiu pi fari n'annunziu e spiari si cci su' cristiani ca vonnu participari nnâ tàvula siciliana. Gruppi di pusìa siciliana o tiatri di "dialettu" sunnu granni funti di cristiani attivi.

## Scartari un Lucali

Po èssiri un bar, po èssiri na timpa nnâ campagna! Ma un locu cintrali, manzu, e pùbblicu è megghiu. Un cafè cu na tàvula 'n chianu è pifettu. Pû primu ncontru, nun s'hâ prinutari nenti, ma cu' urganizza u ncontru avissi a 'gghicari quarchi minutu 'n anticipu pi pigghiari na tàvula.



### Rapiri e Chiùjiri

Quannu i cristiani vennu â tàvula, salùtali 'n sicilianu. Quanni siti nzèmmula, puru ca siti sulu 'n dui, putiti "rapiri" u macadaru, e ntrudùrivi e diri picchi vinistivu. Appoi, putiti attaccari a chiacchiarjari siđđu vi veni fàcili. Si nun veni fàcili, poi accuminciari chî palori novi, appoi u testu, appoi l'argumenti ca scartasti. L'òrdini nun è mpurtanti - a cosa mpurtanti è ca vi sintiti còmudi, manzi, e ca parrati a lingua siciliana senza giudicari. Accura, chiđđa/chiđđu ca urganizza stu macadaru àvi a stari accura ca i cristiani nun càncianu lingua ô talianu. Certu, tutti sunnu libberi di parrari zoccu vonnu, ma urganizzasti stu macadaru p'esircitari u sicilianu, na cosa ca po èssiri difficili di fari 'n publicu. Allora poi jiri cu cunfidenza quannu dici "picciotti, parramu sicilianu pi favuri." Ti cunzigghiu di nun currèggiu u sicilianu di l'autri. Sulu currèggi quarchidunu si t'addumannau di fari accusi. Cca poi nznari u bon sicilianu parrànnulu, ma a tàvula nun è u locu giustu pi fari u spertu.

Doppu n'ura, o n'ura e menza, poi chiujiri u macadaru. Putiti scartari n'ura pâ prùssima simana, o misi, pi ncntràrivi arrè! Turna a casa e cùrcati!

Nichi Panzaređđa

Cademia Siciliana